



Broj: 02-04-4260/22  
Trnovo, 11.01.2023. godine

Na osnovu člana 70. Zakona o javnim nabavkama („Službeni glasnik BiH“, broj 39/14 i 59/22), a na prijedlog Komisije za provođenje postupka javnih nabavki broj: 02-04-4260/22 od 4.01.2023. godine, u postupku javne nabavke usluga – Izrada izvedbenog projekta sanacije klizišta i projekta monitoringa na lokalitetu Ilovice, Mađari, Općinski načelnik je d o n i o:

### **ODLUKU**

#### **o izboru najpovoljnijeg ponuđača za nabavku usluga - Izrada izvedbenog projekta sanacije klizišta i projekta monitoringa na lokalitetu Ilovice, Mađari**

##### **Član 1.**

**Prihvata se prijedlog Komisije za provođenje postupka javnih nabavki, broj: 02-04-4260/22 od 4.01.2023. godine da se ugovor za javnu nabavku usluga - Izrada izvedbenog projekta sanacije klizišta i projekta monitoringa na lokalitetu Ilovice, Mađari, dodijeli ponuđaču Design&QC d.o.o. Sarajevo, Džemala Bijedića 25-D, ponuda broj 607/22 od 22.12.2022.godine, za ponuđenu cijenu, u iznosu od 9.400,00 KM bez PDV-a, kao najpovoljnijem ponuđaču.**

##### **Član 2.**

Prijedlog ugovora o nabavci dostavit će se na potpis izabranom ponuđaču, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude. Obavezuje se izabrani ponuđač da dokaze o kvalificiranosti, ne starije od 3 mjeseca računajući od momenta predaje dokumenata, dostavi u roku od 7 dana od dana prijema odluke, u protivnom će se postupiti u skladu sa članom 72. stav (3) tačka b) Zakona o javnim nabavkama.

##### **Član 3.**

Za izvršenje ove odluke zadužuje se i ovlašćuje nadležna služba Općine.

##### **Član 4.**

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

##### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

#### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-04-4260/22 od 5.12.2022. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a iznosi 10.256,40 KM.

Obavijest o nabavci broj: 886-7-2-87-3-90/22 na Portalu javnih nabavki objavljena dana 19.12.2022. godine.

Komisija za provođenje postupka javnih nabavki imenovana je rješenjem broj: broj: 02-04-4260/22 od 6.12.2022. godine, u sastavu:

MURIS MUJKIĆ, predsjedavajući  
ZINETA HADŽIĆ, član  
ADEL KOSO, član

AMRA ŽLOF, zamjenski član  
SEMIR PRASKO, zamjenski član  
HAMZA KADRISPAHIĆ, zamjenski član

IRMA MALIĆEVIĆ, sekretar komisije

Komisija dostavila je dana 11.01.2023. godine izvještaj o radu broj: 02-04-4260/22 od 4.01.2023. godine Zapisnik o pregledu i ocjeni ponuda s prijedlogom o izboru najpovoljnijeg ponuđača, u postupku javne nabavke usluga – **Izrada izvedbenog projekta sanacije klizišta i projekta monitoringa na lokalitetu Ilovice, Mađari.**

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2,
- da je blagovremeno zaprimljeno 2 ponuda,
- da je neblagovremeno zaprimljena 0 ponuda,
- da je ponuda ponuđača Design&QC d.o.o. Sarajevo, prihvatljiva.
- da ponuda ponuđača Sendo d.o.o. Sarajevo nije prihvatljiva iz sljedećih razloga kako je to navedeno u Zapisniku o pregledu i ocjeni ponuda i to: Uvidom u ponudu broj 835-12-i/22 od 26.12.2022. godine, stranice 30-37 ponude, dostavljeni dokazi kako slijedi: Ugovor o djelu na ime Alen Zećirević, ugovor o djelu na ime Elmedin Selimović, Potvrda o radnom iskustvu izdata od strane Sendo d.o.o. Sarajevo broj 829-12-i/22 za Zećirević Alen, potvrda o radnom iskustvu izdata od strane Sendo d.o.o. Sarajevo broj 830-12-i/22 na ime Selimović Elmedin, Diploma o stečenoj akademskoj titulu za Zećirević Alen, Uvjerenje o položenom stručnom ispitu na ime Zećirević Alen, diploma o završenom studiju za sticanje visoke stručne spreme na ime Elmedin Selimović i uvjerenje o položenom stručnom ispitu na ime Elmedin Selimović. **Tačkom 12.2. Tehnička i profesionalna sposobnost (član 51. Zakona o javnim nabavkama), podtačkom c) je propisano:**

„c) Uslov: Ponuđač mora raspolagati sa minimalno jedanim dipl. Inženjerom građevine sa položenim stručnim ispitom iz geotehnike i minimum 5 godina radnog iskustva na istim ili sličnim poslovima;

Dokaz: Ponuđač je dužan u svojoj ponudi dostaviti ovjerene kopije diploma i potvrda osoblja koje je angažovao, a kojima dokazuje ispunjenost svih zahtjevanih uslova iz navedene tačke, odnosno ukoliko je isti uposlen kod ponuđača da se dostavi dokaz kojim to potvrđuje. Ukoliko navedeno osoblje nije zaposleno kod Ponuđača, potrebno je dodatno dostaviti ovjerene kopije ugovora o angažmanu osoblja, zajedno sa njihovim ovjerenim kopijama diploma, certifikata i potvrda osoblja, a kojima dokazuje ispunjenost svih zahtjevanih uslova iz navedene tačke. U slučaju da je angažirano osoblje zaposleno kod ponuđača, potrebno je dostaviti potvrdu o zaposlenju uz naznaku radnog iskustva.“

Uvidom u ponudu vidljivo je da je ponuđač za angažirana lica dostavio i potvrde o radnom iskustvu koje je on izdao na svom memorandumu. Međutim, predmetne potvrde može izdati samo poslodavac kod kojeg su lica zaposlena a nikako ponuđač koji će za predmetni posao angažovati određena lica. Predmetne potvrde nisu prihvatljive iz navedenog razloga, te samim tim ponuđač ne odgovara traženim uvjetima tehničke i profesionalne sposobnosti.

Također, s ocjenom ponude s aspekta oblika, sadržaja i potpunosti uočen je nedostak kako slijedi: Stranica 8. ponude na poziciji Ponuđač, naznačeno samo ime ponuđača a ne i ID broj kako je to traženo aneksom I-Obrazac za ponudu-usluge. Naime, ponuđač je u svemu dužan postupiti po traženim obrascima te na svim mjestima popuniti podacima kako se to traži od njega. Kako u konkretnom slučaju predmetna potvrda ne odgovara traženim uvjetima za

kvalifikaciju, ista je neprihvatljiva shodno članu 2. Zakona o javnim nabavkama a u vezi s članom 68. stav (4) tačka i) istog zakona.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

E-aukcija nije zakzivana shodno članu 2. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16)

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je jedna ponuda prihvatljiva, kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	Design&QC d.o.o. Sarajevo, Džemala Bijedića 25-D	9.400,00

Na osnovu naprijed navedenog, odlučeno je kao u članu 1. Odluke.

#### POUKA O PRAVNOM LIJEKU

Protiv ove odluke može se izjaviti žalba u roku od pet dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno

1. Ponuđačima
2. U spis predmeta

Izradio: Adel Koso



Kontrolisala: Zineta Hadžić, pomoćnik rukovodioca organa državne službe



